

Al capelèe

In chel negosi, nej scafaj, gheran capej de tocc i misur,
rutunt, a punta, larch, strenc....de tocc i qualità.
L' armonia per riscaldà la suca in di mess de frecc,
per vèga riparada a melunera in esta, e per fà
al gentil' omm, a pasegià, al capelèe al vendiva
cul capèl, al baston de pasegià....capèl de paja,
capèl de stoffa, capèl per al pret, bumbètt,
cilinder da cerimonia e anca un quej capèl tirules.
Capèl de felter, per acumentà tocc i gent e client,
“ Capelèe, a mè capèl l' è ruina, se pot sistemal? “
“ Portal che Geremia, ta vedaret che'l ritorna cume noeuff “
L' asurtiment l' era grant, ma la manutension difficultusa,
chi vuriva la capelera, chi vuriva un apel particular,
chi dumandava de cambià al culur, che vuriva un capèl
particular, chi la purtava de stirà, o de cuse per un bus.
“ Sciur capelèe, gistem sto capèl ch' el ricorda al mè nonu “
“ Ta ghet di pretess, sto capèl l' è a toch, rivultà
quater volt, tira fora sti palanch, ta set sulament un piugiàt “
“ Oh, senti sal diss, cià disem i presi, po dopu fo du cunt “
Se pudivan sente sti discurs, ma al capèl l' era sempar
garansia de virtoeu e impurtansa.....al capelèe un bèl
mument l' è spari, cul negosi e isoeu scafaj,
disan che l' è sta vest in un' isula sperduda,
chisà se al se metù in ment....
De vent capèj a del' oltra gent.

18-10-2017